

Powšitkowne WOZJEWJENJA

njedźelu, 1. decembra 2013

Duchowna hudźba w Klóštrje

K spočatkej adwentneho časa zaklinči w cyrkwi klóštra Marijineje Hwězdy njedźelu, 1. decembra, w 14 hodź. koncert z chórowymi twórbami Bjarnata Krawca a z přnim džělom oratorija „Messias“ wot G. F. Händela. Duchownu hudźbu wuhotuja solisća Romy Petrick, Tanja Donatec, Simon Eper a Egbert Junghanns kaž tež Coro di Praga a chór a orchester Serbskeho ludoweho ansambla. Wuměłski nawod ma chórowy direktor Gabriele Doná. Zastup so njezběra, prosy pak so wo dar w zběrce při durjach.

Adwentny nyšpor w Njebjelčicach

Hudźbny adwentny nyšpor wotměje so njedźelu, 1. decembra, w 14 hodź. w Njebjelčanskej cyrkwi. Program wuhotuja mjez druhim cyrkwiniski chór, šola kaž tež młodostni wosady. Wšitcy su wutrobnje přeprošeni.

Boža mša k swjedenjej Marije bjezhřešneho podjeća, modlerske hodžiny a přednošk w Róžeńće

Boža mša k wysokemu swjedenjej swjateje Marije bjezhřešneho podjeća w Róžeńće budže hižo sobotu, 7. decembra, w 9 hodź. Dokelž padnje poprawny termin swjateho dnja lětsa na njedźelu, swjeći jón cyrkej pak dzeń prjedy abo pozdžišo. Zdobom su wěriwi ze wšitkich serbskich wosadow njedźelu, 8. decembra, do hnadowneje cyrkwe w Róžeńće na modlerske hodžiny přeprošeni. Po němskej Božej mši, kotraž je w 10.30 hodź., so Najswjećiše wustaji. Hač do 12 hodź. přizamknje so modlenje před Najswjećišim wšitkich tych, kotrymž so popođnju njehodži. Wot 12 do 13 hodź. su młode swójby přeprošene, wot 13 do 14 hodź. mužojo, wot 14 do 15 hodź. žony, wot 15 do 16 hodź. člonoj towarstwa „Naša Knjeni na Lipje z.t.“ a wot 16 do 17 hodź. młodžina a družki. Kónčny nyšpor je w 17 hodź. Po nyšporje su wšitcy, wosebje tež družki, na administraturu přeprošeni. Andrea Pawlikowa budže tam wo družkach přednošować.

Koncert w Berlinskej katedrali swjateje Jadwigi

Adwentny koncert ze serbskim podžělom budže srjedu, 4. decembra, w 15 hodź. w Berlinskej katedrali swjateje Jadwigi. Mjez druhim zaklinča twórby Jana Cyža a Jura Mětška. Na piščelach zahraje z Baćonja pochadžacy Tomaš Žur a na saksofonje Gerold Glausch. Wšitcy Serbja z Berlina a wokoliny su wutrobnje přeprošeni. Koncertej přizamknje so bjesada.

Beneficny koncert a spēwny wječork w Jaseńcy

Na serbski beneficny spēwny wječor sobotu, 7. decembra, w Jaseńcy přeprošuje Florian Rynč zhromadnje z muskim spēwnym kwartetom „Po štyrjoch“ a spēwarkomaj Weroniku a Hanku Smolic. Započatk w Rynčec bróžni w Jaseńcy (čísło 8) je w 19.30 hodź. Wopytowarjo smědža so na wotměnjawy program wjeselić, mjez druhim na nowe spēwy skupiny „Po štyrjoch“, zdžěla samo šěsčłósne z podpěru dalšēju spēwarjow. Wunošk z wječora nałoža so za lětušu hodownu pomocnu akciju Towarstwa Cyrila a Metoda „Łužica pomha“. Po koncerće su wšitcy na zhromadne spēwanje přeprošeni.

Adwentne wiki w klósterskim wobchodže

Druhi raz přewjedu so po lońšej premjerje we wobchodže klóštra Marijineje Hwězdy w Pančicach-Kukowje sobotu, 7. decembra, wot 12.30 do 18.00 hodź. małe adwentne wiki. Džěci móža w tym času, hdyž so dorosćeni rozhladuja, paslić.

Zetkanje samostejacych

Samostejacy ze serbskich wosadow su na zetkanje wutoru, 10. decembra, w 14 hodź. do Domu biskopa Bena w Smochćicach přeprošeni. Zajimcy njech so hač do štwórtka, 5. decembra, w redakciji Katolskeho Posoła přizjewja, telefonowe čisło (0 35 91) 55 02 12. Štóž chce wotewzaty być, njech to prošu zdžěli.

Paslenje hodownych darikow

Dekanatne dušepastyrstwo přeprošuje šulerki a šulerjow 6. do 8. lětnika sobotu, 14. decembra, wot 9 do 14 hodź. na paslenje hodownych darikow do Don Boskoweho domu we Worklecach. Zajimcy njech so prošu hač do wutory, 10. decembra pod telefonowym čisłom (03 57 96) 8 87 07 přizjewja. Za wudawki dnja zběra so na wobdžělnika přinošk we wysokosći džesać eurow.

Adwentnička serbskeje młodžiny

Tradicionalna adwentnička dekanatneje młodžiny budže lětsa třěću adwentnu njedzelu, 15. decembra. Nadrobnosće so hišće wozjewja.

Koparski turněr wo pokal TCM

Towarstwo Cyrila a Metoda z.t. (TCM) zarjaduje sobotu, 4. januara, w 13.30 hodź. w Chróšćanskej „Jednoće“ halowy koparski turněr wo pokal TCM. Přeprošene su wosadne a wjesne mustwa młodžiny. Kóžde mustwo měło z wosom hrajerjemi nastupić. Hrać budže so z třomi koparjemi a jednym wrotarjom. Přizjewić měli so mustwa hač do pónđzele, 30. decembra, pola předsydy TCM Jurja Špitanka, telefonowe čisło (03 57 96) 9 63 47 abo mobilnje pod (01 72) 7 97 38 29.

Bajkowa opera Jank a Hanka w serbskej rěči

Serbski ludowy ansambl přeprošuje na swoje serbske premjerne předstajenje znateje džěćaceje bajkoweje opery Jank a Hanka njedzelu, 8. decembra, w 16 hodź. do Chróšćanskeje „Jednoty“. Mali a wulcy wopytowarjo smědža so na kuzłapołnu hodžinku wjeselić.